

АКТРИСА БОЛОХОБ!

Арбан долоотой Арюуна басаган хотын дунда хургуули алтан медальтайгаар дүүргэсэн. Арюуна бүри бага наһанһаа заал һаа актриса болохоб гэжэ хэлэдэг байгаа. Ушар тиимэһээ тэрэ ГИТИС-тэ (театр ба искусствын дээдэ хургуули) мэдүүлгэ бариба. Тэндэ оюутан болохонь тиимэ бэлэн бэшэ: 50—60 хүнүүдһээ нэгэл хүн шөлөгдэн абтаха байгаа. Конкурсно хабаадагшадай урда иимэ эрилтэнүүд табигдаа: шалгалтануудаа бултыень табаар бариха; нюур шарайгаар сэбэр сэгсэ; матамал һайхан бээтэй; хүгжэмэй хургуули дүүргэсэн; түрэл хэлэн дээрээ уран гоёор шүлэг хэлэхэ, дуу дуулаха гэхэ мэтэ.

Арюуна басаган эдэ эрилтэнүүдтэ гүйсэд харюусажа байгаа: үндэгэн сагаан шарайтай, булган хара нидхэтэй, елэн хара үһэтэй, торгон нимгэн уралтай, мойһон хара нүдэтэй г.м. Арюуна шалгалтануудаа бултыень табаар бариба. Шалгалтануудай һүүлээр нэгэ һуурида 12 хүн үлэбэ:

Тиимэһээ тусхай комисси тэдээн сооһоо нэгэл хүниие шөлөжэ абаха байгаа. Комиссиин хүдэлжэ байһан томо гэгшын таһалга соо Арюунын ороод харахадань, ногоон сэмбээр хушагдаһан ута столой саана арбаад хүн һууба: тэдэнэй дунда мэдээжэ артистнууд, хүгжэмшэд бии. Комиссиин гэшүүд Арюуна басаганай хаанаһаа ерэхэн, ямар хургуули дүүргэсэн, юундэ актриса болохоо дурлаһан тухайнь һонирхобо.

Тэдэнэрэй нэгэн иигэжэ дурадхаба:

— Арюуна, буряад дуу дуулажа, түрэлхи хэлэн дээрээ шүлэг хэлэжэ үгэ манда.

Арюуна басаган амандаа уһа балгажархиһандал абья аниргүй байһанайнгаа һүүлээр арай гэжэ хамар дороо дуугарба:

— Би түрэлхи хэлээ мэдэдэггүйб, тиимэһээ дуу дуулажа, шүлэг уншажа шадахагүйб.

Комиссиин гэшүүд хоорондоо хэлсээд, түрүүлэгшэнь

иигэжэ мэдүүлбэ:

— Манай дээдэ һургуулида түрэлхи хэлэээ найнаар мэдэдэг хүнүүд абтаха гуримтай юм, тиимэнээ түрэлхи хэлэээ мэдэхэ болоод, һурахаяа ерээрэй, зүү!

www.nomoihan.com